

(4) Novi korisnik, tj. podnosilac zahtjeva plaća administrativnu taksu u punom iznosu, a stari/redovni korisnik za obnavljanje, odnosno produženje zahtjeva, istu plaćaju u umanjenom iznosu za 50%.

(5) Korisnik javne površine, dužan je ovoj Službi/Odsjeku za komunalne poslove, dostaviti dokaz o uplati za potrebe vođenja Registra uplata i daljnjeg postupanja, u protivnom komunalni inspektor će pristupiti provođenju komunalnog reda u skladu s kaznenim odredbama Odluke o komunalnom redu i sanitarnom minimumu („Službeni glasnik Grada Gradačac”, broj: 7/07, 6/08, 2/09, 9/10, 3/11, 9/18 i „Službeni glasnik Grada Gradačac”, broj 14/21).

Član 12.

Sredstva prikupljena od naknade za korištenje dijela javne površine su namjenska, uplaćuju se u korist računa Grada Gradačac i koriste se za poboljšanje komunalne infrastrukture u gradu.

Član 13.

Ova Odluka stupa na snagu danom objavljivanja u „Službenom glasniku Grada Gradačac”. Danom stupanja na snagu ove Odluke prestaje da važi Odluka o visini naknade za korištenje dijela javne površine na području Grada Gradačac za 2022. godinu („Službeni glasnik Grada Gradačac”, broj 2/22).

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj: 01-04-17/23
Datum: 31.01.2023.god.
Gradačac

PREDSJEDAVAJUĆI
GRADSKOG VIJEĆA
Mustafa H. Ađulović, s.r.

5.

Na osnovu članu 10. i 42. Zakona o cestovnom prijevozu FBiH („Službene novine FBiH”, broj 28/06 i 2/10), člana 40. stav 3. Zakona o cestovnom prijevozu na području Tuzlanskog kantona („Službene novine TK”, broj 15/11) a u skladu s članom 13. stav 2. alineja 4. Zakona o principima lokalne smouprave u FBiH („Službene novine FBiH”, broj 49/06 i 51/09) i člana 21. tačka 2. Statuta Grada Gradačac („Službeni glasnik Grada

Gradačac”, broj 10/22), Gradsko vijeće Grada Gradačac, na 21. redovnoj sjednici održanoj dana 31.01.2023.godine, donosi

O D L U K U

o visini naknade za korištenje taksi stajališta na području grada Gradačac za 2023. godinu

Član 1.

Ovom Odlukom utvrđuje se visina naknade za korištenje/zauzimanje dijela javne površine za taksi stajalište u 2023. godini po zonama utvrđenim odredbama Odluke o građevinskom zemljištu.

Član 2.

(uslovi za taksi prijevoznike)

(1) Taksi prijevoz putnika, mogu obavljati pravna lica upisana u sudski registar za obavljanje taksi djelatnosti.

(2) Taksi prijevoz putnika, mogu obavljati i fizička lica koja posjeduju rješenje za obavljanje taksi djelatnosti izdato od nadležne Gradske službe.

Član 3.

(1) Usaglašenim Planom za razmještaj taksi stajališta, utvrđena je ukupna korisna površina od 12,50 m² po jednom taksi stajalištu.

(2) Visina naknada za korištenje/zauzimanje taksi stajališta plaća se u mjesečnom iznosu po zonama gradskog građevinskog zemljišta za:

- taksi stajalište 01. „Autobuska stanica“ u zoni II po 1m² iznosi 2,50 KM,
- taksi stajalište 02. „Centar-KONZUM“ u zoni I po 1m² iznosi 3,50 KM,
- taksi stajalište 03. „Majevička“ u zoni II po 1m² iznosi 2,50 KM,
- taksi stajalište 04. „Dom zdravlja“ u zoni II po 1m² iznosi 2,50 KM,
- taksi stajalište 05. „Ormanica“ spada u ostalo zemljište po 1m² iznosi 2,00 KM.

(3) Ukupan mjesečni iznos naknade plaća se sa obračunatim PDV-om.

Član 4.

(1) Utvrđena naknada za taksi stajalište iz člana 3. ove Odluke plaća se za svaki mjesec unaprijed a najdalje do petog (5) u tekućem mjesecu u skladu sa Rješenjem za korištenje taksi stajališta, Gradske službe za urbanizam, investicije i komunalne poslove ili u ukupnom godišnjem iznosu.

(2) U protivnom ukoliko korisnik taksi stajališta ne izmiri naknadu za proteklu godinu, neće moći dobiti novo rješenje za tekuću godinu.

(3) Korisnik taksi stajališta ne može ustupiti drugom mjesto bez predhodnog odobrenja Službe.

(4) Korisnik taksi stajališta, obavezan je za svaku godinu podnijeti novi zahtjev za korištenje istog ili novog stajališta uz priložen dokaz o izmirenim obavezama za proteklu godinu uz odobrenje za obavljanje taksi djelatnosti kao i odobrenje za taksi stajalište.

Član 5.

Zahtjev za korištenje taksi stajališta iznosi 50,00 KM a produženje za narednu godinu 25,00 KM.

Član 6.

Prikupljena sredstva od naknada za dodijeljena taksi stajališta, Grad je dužan namjenski koristiti za izgradnju novih ili uređenje i održavanje postojećih taksi stajališta, odnosno za unapređenje taksi djelatnosti.

Član 7.

Ova Odluka stupa na snagu danom objavljivanja u „Službenom glasniku Grada Gradačac“ a predhodna automatski prestaje da važi.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-18/23
Datum: 31.01.2023.god.
G r a d a č a c

**PREDSJEDAVAJUĆI
GRADSKOG VIJEĆA**
Mustafa H. Ađulović, s.r.

6.

Na osnovu člana 8. stav 3. alineja 11. i člana 13. stav 2. alineja 18. Zakona o principima lokalne samouprave u FBiH („Službene novine FBiH, broj 49/06 i 51/09), člana 6. Zakona o komunalnim djelatnostima („Službene novine Tuzlanskog kantona”, broj 11/05), člana 21. tačka 4. Statuta Grada Gradačac („Službeni glasnik Grada Gradačac”, broj 10/22) i člana 81., 106. i 107. Odluke o komunalnom redu i sanitarnom minimumu („Službeni glasnik Općine Gradačac“, broj: 7/07, 6/08, 2/09, 9/10, 3/11 i 9/18 i „Službeni glasnik Grada Gradačac”, broj 14/21), Gradsko vijeće Grada Gradačac na 21. redovnoj sjednici održanoj 31.01.2023. godine, donosi

P R O G R A M obavljanja komunalnih usluga za održavanje gradske čistoće za 2023. godinu

- Program obuhvata slijedeće poslove i usluge:
- čišćenje javnih saobraćajnih površina na području grada u periodu od 01.01. do 31.12.2023. godine;
 - čišćenje, uređenje i održavanje javnih zelenih površina u gradu i centrima gradskih mjesnih zajednica u periodu od 01.01. do 31.12.2023. godine;
 - čišćenje korita rijeke Gradašnice u periodu od 15.04. do 15.11.2023. godine;
 - mašinsko čišćenje javnih saobraćajnih površina u gradu u periodu od 15.04. do 15.11.2023. godine;
 - odvoz smeća sa javnih površina kontinuirano tokom godine; i
 - ostale predviđene usluge prema potrebama

A) OBIM I KVALITET USLUGA

I - ČIŠĆENJE JAVNIH SAOBRAĆAJNIH POVRŠINA

Čišćenje javnih saobraćajnih površina u gradu podrazumijeva ručno ili mašinsko čišćenje asfaltiranih površina uključujući i trotoare i parking prostore pored njih, a na parkinzima sa makadamskom podlogom vršiti će se samo ručno kupljenje otpad, zatim utovar, odvoz i deponovanje prikupljenog otpadnog materijala različitog porijekla, na deponiju.

Ovi poslovi obavljat će se u periodu od 01.01. do 31.12.2023. godine.

a) Javne saobraćajne površine koje su predviđene da se čiste svakodnevno:

- Ulica Žrtava Srebrenice (od „stočne pijace“ do Titove ulice);
- Ulica Titova;
- Ulica H.K. Gradašćevića (do benzinske pumpe “Energopetrol”);
- kružni tok (raskrsnice Varoš)
- Ulica Hadžiefendijina;
- Trg „Alije Izetbegovića“
- Trg „Alije Izetbegovića“

Ukupna površina javnih saobraćajnih površina za čišćenje iznosi cca 12.000 m².

a) Javne saobraćajne površine koje se čiste dva puta sedmično:

- Ulica Josipa Šibera (do raskrsnice za Gradinu)
- Ulica Sviračka
- Ulica Reufa Huseinagića